

**AKT THEMELIMI**  
**&**  
**STATUT I SHOQËRISË TREGTARE TË SË DREJTËS SHQIPTARE**  
**"SICCUS SH.P. K"**

**KREU I**

**THEMELIMI, EMRI, AKTIVITETI, KOHËZGJATJA, SELIA.**

**NENI 1**

**Data e themelimit, Emri, Emërtimi tregtar dhe Ortaku Themelues**

Sot, më datë: **10/02/2025**, Ortakët Themelues, themelojnë një shoqëri me përgjegjësi të kufizuar (SH.P. K) me emrin **"SICCUS SH.P. K"**

Emri tregtar i shoqërisë është **"SICCUS SH.P. K"**

**NENI 2**

**Qëllimi - Aktiviteti tregtar**

Shoqëria do të ushtrojë aktivitet tregtar si më poshtë:

- Tregtimi me pakice i frutave te thata, ereza, frutave, perimeve te perpunuara ose te konservuara, te vajrave bimore, import-eksport, i frutave te thata, ereza, frutave, perimeve te perpunuara ose te konservuara, te vajrave bimore, tregtimin e kutive per ambalazhimin e frutave te thata dhe erzave, perimeve dhe vajrave bimore, etj. Paketimi i erezave dhe frutave te thata.

Shoqëria mund të ndryshojë aktivitetin e saj me vendim të Asamblesë së Përgjithshme të ortakëve.

**NENI 3**  
**Kohëzgjatja**

Shoqëria krijohet për një afat të pacaktuar kohor.

**NENI 4**  
**Selia**

Selia e shoqërisë ndodhet në Tiranë-Shqipëri, në adresën: Rr. Murat Toptani, Qendra Toptani, Kati 0, Vitrina B, Kodi Postar 1001, Tiranë, Shqipëri.

**KREU II**  
**KAPITALI**

**NENI 5**  
**Kapitali themeltar**

Kapitali themeltar i shoqërisë **"SICCUS SH.P.K"** është **100,000 (njëqind mijë) lekë** dhe ndahet në 2 (dy) kuota.

**NENI 6**  
**Ortakët themelues dhe pjesëmarrja e tyre në kapital**



Ortakët e shoqërisë janë:

1. **URANI GAZHGA**, e bija e Mihalit dhe e Marias, shtetase shqiptare, lindur në Kutalli Shqiperi, e datelindjes: 03.01.1981, mbajtëse kartes se identitetit shqiptare me nr. 036884449 me Nr. Personal I15103049W, me adresë banimi, Rr. Kongresi I Manastirit, Kompleksi I pallateve ASL, H1, Tirane. Ky ortak themelues mban nje (1) kuote te shoqerise, me vlere nominale 51.000 leke (pesedhjete e nje mije leke) dhe qe perfaqeson **51%** te kapitalit të shoqërisë.
2. **EDLIRA SADIKAJ**, e bija e Ibrahimit dhe e Fetijes, shtetase shqiptare, lindur në Korce Shqiperi, e datelindjes: 01.07.1974, mbajtëse kartes se identitetit shqiptare me nr. 039373201 me Nr. Personal H45701179B, me adresë banimi, Rr. Qemas Stafa, P6, Sh2, Ap.19, Tirane. Ky ortak themelues mban nje (1) kuote te shoqerise, me vlere nominale 51.000 leke (dyzete e nente mije leke) dhe qe perfaqeson **49%** te kapitalit të shoqërisë.

Ortakët marrin pjesë në kapitalin themeltar me përqindjen dhe analogjinë e mëposhtme:

| Nr./Rendor | Emër/Mbiemër          | Pjesëmarrje<br>në lek | Pjesëmarrje<br>në<br>përqindje |
|------------|-----------------------|-----------------------|--------------------------------|
| 1          | <b>URANI GAZHGA</b>   | 51,000                | 51%                            |
| 2          | <b>EDLIRA SADIKAJ</b> | 49,000                | 49%                            |
|            | Totali:               | 100,000               | 100,0%                         |

#### **NENI 7**

#### **Zmadhimi dhe zvogëlimi i kapitalit**

Kapitali i shoqërisë mund të zmadhohet ose të zvogëlohet me Vendim të Asamblesë së Përgjithshme e cila mblidhet për këtë qëllim dhe vendos sipas parashikimeve të nenit 11 të këtij statuti.

#### **NENI 8**

#### **Tjetërsimi i kuotave**

Kuota/t e kapitalit të shoqërisë mund të tjetërsohen nga Ortaku i Vetëm nëpërmjet:

- a) shitblerjes;
- b) dhurimit;
- c) trashëgimisë.

#### **KREU III**

#### **ORGANET E SHOQËRISË**

#### **NENI 9**

#### **Asambleja e Përgjithshme**



Asambleja e Përgjithshme është organi i vetëm vendimmarrës i shoqërisë dhe miraton çdo ndryshim të statutit sipas modaliteteve të përcaktuara në ligjin Nr. 9901, dt. 14.04.2008 "Për Tregtarët dhe Shoqëritë Tregtare" të ndyshuar.

Asambleja e Përgjithshme është përgjegjëse për marrjen e vendimeve për shoqërinë për çështjet e mëposhtme:

- 1) përcaktimin e politikave tregtare të shoqërisë;
- 2) ndryshimet e statutit;
- 3) emërimin dhe shkarkimin e administratorit;
- 4) emërimin dhe shkarkimin e likuiduesve dhe të ekspertëve kontabël të autorizuar;
- 5) përcaktimin e shpërblimit të administratorit si dhe të likuiduesve dhe të ekspertëve kontabël të autorizuar;
- 6) mbikëqyrjen e zbatimit të politikave tregtare nga administratori, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- 7) miratimin e pasqyrave financiare vjetore dhe të raporteve të ecurisë së veprimtarisë;
- 8) zmadhimin dhe zvogëlimin e kapitalit;
- 9) ndarjen e kuotave dhe anulimin e tyre,
- 10) përfaqësimin e shoqërisë në gjykatë dhe në procedimet e tjera ndaj administratorit;
- 11) riorganizimin dhe prishjen e shoqërisë;
- 12) miratimin e rregullave procedurale të mbledhjeve të Asamblesë;
- 13) dhënien e kredive,
- 14) shpërndarjen e fitimeve vjetore,
- 15) shitjen, blerjen, dhurimin, hipotekimin, qiradhënien e pasurisë së luajtshme dhe të paluajtshme të shoqërisë,
- 16) për të gjitha veprimet e tjera për të cilat është vendosur kufizim kompetence ndaj administratorit të shoqërisë.

#### **NENI 10** **Mbledhja e Asamblesë së Përgjithshme**

Asambleja e përgjithshme mblidhet cdo here ne rastet e përcaktuara nga dispozitat e statutit, sa herë që mbledhja është e nevojshme për të mbrojtur interesat e shoqërisë dhe taktikisht të paktën një herë në vit. Në Mbledhjen e Jashtëzakonshme të Asamblesë së përgjithshme në rast se marrin pjesë të gjithë ortakët që përfaqësojnë 100% të kapitalit, mund të merret në mënyrë të rregullt çdo vendim.

Asambleja e Përgjithshme thirret nga ortakët që mbajnë të paktën **25%** të kapitalit të shoqërisë dhe/ose nga administratori i shoqërisë dhe mblidhet, si rregull, në selinë e shoqërisë. Asambleja e Përgjithshme thirret me shkresë ose nëpërmjet mjeteve elektronike të komunikimit (e-mail) dhe thirrja duhet të përmbajë vendin, datën, orën e mbledhjes si dhe rendin e ditës.

Asambleja e Përgjithshme mund të mblidhet gjithashtu dhe në çdo vend tjetër, si brenda ashtu dhe jashtë territorit të Shqipërisë dhe të aksesueshëm lehtë nga pjesëmarrësit.

Një ortak mund të përfaqësohet në Asamblenë e Përgjithshme nga një ortak tjetër ose dhe nga një person i tretë. Autorizimi për ortakun ose për personin e tretët, është i vlefshëm vetëm për mbledhjen e Asamblesë së Përgjithshme për të cilën është lëshuar.

Administratori i shoqërisë nuk mund të përfaqësojë me autorizim një ortak në mbledhjen e Asamblesë së Përgjithshme të shoqërisë.

#### **NENI 11** **Kuorumi**



Në çdo rast, Asambleja e përgjithshme merr vendime të vlefshme vetëm nëse marrin pjesë në mbledhje, ortaku/kët me të drejtë vote që zotëron/jnë kuota që përfaqësojnë të paktën 51% të vlerës së kapitalit.

Nëse asambleja e përgjithshme nuk mund të mbledhet për shkak të mungesës së kuorumit të përmendur më lart, atëherë ajo mbledhet përsëri por jo më vonë se 30 ditë, me të njëjtin rend dite.

Asambleja e Përgjithshme merr vendime të rregullta vetëm duke plotësuar kuorumin e caktuar më lart dhe me **3/4 e votave** të ortakëve pjesëmarrës.

#### **NENI 12**

##### **Administratori - Emërimi i tij**


Asambleja e Përgjithshme emëron administratorin e shoqërisë.

Afati i emërimit të administratorit është 5 vjet dhe fillon nga data e themelimit të shoqërisë deri ne daten **10.02.2030**.

Mandati i administratorit të shoqërisë mund të rinovohet për një afat tjetër me vendim të Asamblesë së Përgjithshme.

**Administratori i parë i shoqërisë do të jetë: ZNJ. EDLIRA SADIKAJ**, e bija e Ibrahimit dhe e Fetijes, shtetase shqiptare, lindur në Korce Shqiperi, e datelindjes: 01.07.1974, mbajtëse kartes se identitetit shqiptare me nr. 039373201 me Nr. Personal H45701179B, me adresë banimi, Rr. Qemal Stafa, P.6, Sh.2, Ap.19, Tirane.

Name/surname/Signature of administrator  
(nënshkrimi i administratorit)



#### **NENI 13**

##### **Humbja e mandatit të Administratorit - Dorëheqja**

Asambleja e Përgjithshme mund të shkarkojë administratorin në çdo kohë. Paditë që lidhen me shpërblimin e administratorit, në bazë të marrëdhënieve kontraktore me shoqërinë, ushtrohen sipas dispozitave ligjore të ligjit 9901/14.04.2008 «Për tregtarët dhe shoqëritë tregtare» të ndryshuar dhe, K.Proçedurës Civile.

Administratori humbet mandatin e tij me dorëheqje. Administratori mund të japë dorëheqjen nga detyrat e tij, për shkaqe të arsyeshme, duke bërë njoftim paraprak, në një kohë të përshtatshme, për të mundësuar vazhdimësinë normale të veprimtarisë së shoqërisë dhe vazhdimin e veprimeve nga Ortaku i Vetëm dhe/ose nga administratori i ri i caktuar, me përjashtim të rasteve kur dorëheqja e menjëhershme vlerësohet e justifikuar për një arsye të rëndësishme. Për këtë arsye, administratori thërret Asamblenë e Përgjithshme dhe dorëzon kërkesën e tij për dorëheqje. Dorëheqja prodhon efekte pas pranimit të saj me vendim të Asamblesë.



#### **NENI 14**

#### **Kompetencat e Administratorit – Kufizimet e kompetencave**

Administratori është përfaqësuesi ligjor i shoqërisë dhe në tagrat e tij përmbahen veçanërisht veprimet e poshtëcituarat:

- 1) Përfaqësimi i shoqërisë kundrejt të gjitha palëve të treta,
- 2) menaxhimin e punëve të përditshme të shoqërisë, duke zbatuar politikat e vendosura dhe të miratuara nga Asambleja e Përgjithshme,
- 3) hapja e llogarive bankare të shoqërisë,
- 4) lëvizja e llogarive bankare të shoqërisë,
- 5) komunikon / ndërvepron pranë autoriteteve publike (si Dhoma e Tregtisë dhe Industrisë kompetente, autoritetet tatimore, Drejtorive kompetente Rajonale të Sigurimeve Shëndetësore Shoqërore, Ministrive, Bashkive, etj.) me paraqitjen e aplikimeve në emër të shoqërisë,
- 6) pranon njoftime dhe dokumente në emër të shoqërisë,
- 7) kujdeset për mbajtjen e saktë e të rregullt të inventarit, dokumenteve dhe librave kontabël të shoqërisë;
- 8) përgatit dhe nënshkruan bilancin vjetor dhe raportin e ecursisë së veprimtarisë dhe, së bashku me propozimet për shpërndarjen e fitimeve, i paraqet këto dokumente përpara Asamblesë së Përgjithshme të shoqërisë për miratim;
- 9) raporton përpara Asamblesë së Përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- 10) zbaton vendimet e marra nga Asambleja e Përgjithshme e shoqërisë.

#### **NENI 15**

#### **Përgjegjësitë e Administratorit**

Administratori është përgjegjës individualisht, ndaj shoqërisë ose ndaj të tretëve, për shkelje të ligjeve ose/dhe të statutit, për tejkalim të kompetencave gjatë administrimit të tij në shoqëri.

Pasojat e dëmshme të marrëveshjeve të pamiratuara nga Asambleja e Përgjithshme i ngarkohen administratorit.

Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Për Tregtarët dhe Shoqëritë Tregtare", administratori detyrohet:

- 1) të kryejë detyrat e tij të përcaktuara në ligj dhe në statut në mirëbesim dhe në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;
- 2) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;
- 3) të vlerësojë më përgjegjësi çështjet, për të cilat merret vendim;
- 4) të parandalojë dhe të mënjanojë rastet e konfliktit, prezent apo të mundshëm, të interesave personalë me ata të shoqërisë;
- 5) të ushtrojë detyrat e tij me profesionalizmin dhe kujdesin e nevojshëm.

Administratori, gjatë kryerjes së detyrave të tij, përgjigjet ndaj shoqërisë për çdo veprim ose mosveprim, që lidhen në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.



## **KREU IV**

### **Viti Financiar – Bilanci – Fitimet – Likuidimi – Prishja e shoqërisë**

#### **NENI 16 Viti Financiar**

Viti financiar i Shoqërisë fillon më 1 Janar dhe përfundon më 31 Dhjetor të po atij viti.

Viti i parë financiar i shoqërisë fillon nga data e regjistrimit të shoqërisë dhe mbyllet më 31 Dhjetor të vitit 2025 (dymijë e njëzetë e pesë).

#### **NENI 17 Eksperti kontabël**

Kontabilisti merr përsipër të ofrojë shërbimet e tij në bazë të kontratës me shoqërinë. Kontrata e shërbimit duhet të përfshijë detyrimin e Kontabilistit: *të bëjë deklaratimet para organeve tatimore, qendrore dhe të qeverisjes lokale, të Sigurimeve Shendetësore & Shoqërore për të punësuarit e shoqërisë dhe të njoftojë për këtë arsye dhe për pagesat brenda afatit ligjor, administratorin e shoqërisë, të kontrollojë të gjitha dokumentet kontabël të aktivitetit ekonomik dhe tregtar të shoqërisë, të hartojë bilancin vjetor dhe t'i paraqesë përpara administratorit për miratim më pas nga Asambleja e Përgjithshme, të ushtrojë kontrolle shumëvjeçare dhe periodike në rastet kur kjo detyrë i ngarkohet nga Asambleja e Përgjithshme.*

Të gjitha raportet e kontabilistit i njoftohen administratorit dhe më pas ky i fundit ia dërgon për miratim Asamblesë së Përgjithshme.

#### **NENI 18 Bilanci vjetor**

Bilanci vjetor duhet të paraqitet te organet tatimore pasi të miratohet nga Asambleja e Përgjithshme e shoqërisë, brënda datës 31 Mars të çdo viti pasardhës.

#### **NENI 19 Fitimet**

Fitimet që realizon shoqëria, i shpërndahen Ortakëve, me vendim të Asamblesë së Përgjithshme të shoqërisë.

#### **NENI 20 Prishja dhe likuidimi**

Shpërndarja ose prishja e shoqërisë mund të bëhet në çdo moment, me vendim të Asamblesë së Përgjithshme të shoqërisë. Për këtë arsye emërohet nga Asambleja e Përgjithshme e shoqërisë, një likuidator me tagra të përcaktuara në ligj. Likuidatori është përgjegjës si ndaj shoqërisë ashtu dhe ndaj të tretëve. Ai shpërblehet në bazë të vendimit të Asamblesë së Përgjithshme të shoqërisë.

#### **NENI 21 Baza Ligjore**

Shoqëria do të zhvillojë aktivitetin e saj në përputhje të plotë me këtë statut dhe dispozitat e legjislacionit shqiptar.

Përsa nuk parashikohet në këtë Statut, do të zbatohen dispozitat e ligjit Nr. 9901, dt. 14.04.2008 "Për Tregtarët dhe Shoqëritë Tregtare" të ndryshuar, Kodit Civil dhe çdo ligji të veçantë të Republikës së Shqipërisë.

**NENI 22**  
**Mosmarrëveshjet**

Për çdo mosmarrëveshje që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindin midis Shoqërisë dhe të tretëve, do të jenë kompetente Gjykatat Shqiptare.

**NENI 23**  
**Personaliteti juridik**

Shoqëria fiton personalitet juridik nga dita e regjistrimit në (QKB) Qendrën Kombëtare të Bisnesit.

**Ortakët Themelues të shoqërisë me përgjegjësi të kufizuar**  
**"SICCUS" SH.P.K**

**URANI GAZHGA**

Urani Gzhga  


**EDLIRA SADIKAJ**

Edlira Sadikaj  


Përfaqësuar me prokurën e posaçme Rep\_\_\_\_\_ Kol\_\_\_\_\_ date \_\_\_\_/02/2025, nga Marsel  
Zhupa

